

ԱՐՁԱՆԱԳՐՈՒԹՅՈՒՆ ԹԻՎ 4

ԵՊՀ ԻՋԵՎԱՆԻ ՄԱՍՆԱՃՅՈՒՂ ՊԵՏԱԿԱՆ ՈՉ ԱՌԵՎՏՐԱՅԻՆ

ԿԱԶՄԱԿԵՐՊՈՒԹՅԱՆ ԳԻՏԱԿԱՆ ԽՈՐՀՐԴԻ ՆԻՍՏԻ

28.06.2014թ.

ք. Իջևան

Նիստին ներկա էին Գիտական խորհրդի 35 անդամներից 26-ը: Նիստը վարում էր մասնաճյուղի գիտական խորհրդի նախագահ, տնօրեն Ս. Ա. Առաքելյանը:

Տնօրենը, բացելով Գիտական խորհրդի նիստը, հայտարարեց քվեակազմի առկայության մասին և քվեարկության դրեց նիստի օրակարգը:

Օ Ր Ա Կ Ա Ր Գ

1. ԵՊՀ ԻՄ-ի 2014թ. բակալավրի և մագիստրոսի կրթական ծրագրերով առկա և հեռակա ուսուցման ամփոփիչ ատեստավորման արդյունքների ամփոփում  
*/Զեկուցող Ս. Ա. Առաքելյան/*
2. 2014-15 ուստարվա մասնագիտությունների ցանկի քննարկում  
*/Զեկուցող Ս. Ա. Առաքելյան/*
3. Կառուցվածքային փոփոխություններ ԵՊՀ ԻՄ-ի կազմում  
*/Զեկուցող Ս. Ա. Առաքելյան/*
4. ԵՊՀ ԻՄ-ի զարգացման ռազմավարական ծրագրի կատարման ընթացքի մասին  
*/Զեկուցող Ա.Շ. Մարգարյան/*
5. ԵՊՀ ԻՄ-ում ստացած կրթությունից շրջանավարտների բավարարվածության վերաբերյալ 2014թ. հարցման արդյունքների մասին  
*/Զեկուցող Ա.Շ. Մարգարյան/*
6. Ընթացիկ հարցեր

Գիտիտրիդի անդամների կողմից օրակարգի համար այլ հարց չառաջարկվեց,  
և մասնակիցների բաց քվեարկությամբ ընդունվեց նիստի օրակարգը:

**ԼՄԵՅԻՆ.** - «ԵՊՀ ԻՄ-ի 2014թ. բակալավրի և մագիստրոսի կրթական ծրագրերով  
առկա և հեռակա ուսուցման ամփոփիչ ատեստավորման արդյունքների ամփոփում»  
հարցի կապակցությամբ ԵՊՀ Իջևանի մասնաճյուղի տնօրեն Ս.Ա. Առաքելյանի  
զեկուցումը:

Նա հանգամանալից ներկայացրեց ԵՊՀ ԻՄ 2014թ. բակալավրի և մագիստրոսի  
կրթական ծրագրերով առկա և հեռակա ուսուցման ամփոփիչ ատեստավորման  
արդյունքները ըստ մասնագիտությունների, անցկացրեց համեմատական  
վերլուծություն 2013թ արդյունքների հետ: Առանձնահատուկ ուշադրություն դարձվեց  
ամփոփիչ ատեստավորման հանձնաժողովների նախագահների կողմից տրված  
կարծիքներին և առաջարկներին, մանրամասն վերլուծվեց թերությունները և  
առավելությունները:

Մասնավորապես նշվեց, որ այս տարի, 2013թ-ի համեմատ, վիճակը  
բարելավվել է ԵՊՀ ԻՄ-ի համար բրենդային հանդիսացող Կիրառական արվեստի  
ֆակուլտետում, մասնավորապես ամփոփիչ ատեստավորման նախագահը նշել է, որ  
մեր ուսանողները որակական հատկանիշներով բավականին բարձր են Գյումրու և  
Երևանի մանկավարժական համալսարանների համապատասխան  
մասնագիտությունների շրջանավարտներից որի համար ԵՊՀ ԻՄ-ի տնօրեն Ս.Ա.  
Առաքելյանը շնորհակալություն հայտնեց Լ. Լաճիկյանին ամբողջովին ԵՊՀ ԻՄ-ին  
նվիրվելու և դրական փոփոխություններ մտցնելու համար: Նա իր գոհունակությունը  
հայտնեց նաև Ա. Միրզոյանի կատարած աշխատանքից, որի շնորհիվ այս տարի  
բավական բարձր մակարդակով կատարվել է երեք ավարտական աշխատանք  
քանդակագործությունից: Նշվեց, որ անելիքներ կան նաև գորելենի թեմատիկայի  
ընտրության հարցում, նախատեսվում է զարգացնել նաև վիտրաժային արվեստը:  
Տնօրենը նշեց, որ Կիրառական արվեստի ֆակուլտետի ուսանողներին քաջալերելու  
համար մասնաճյուղը նրանց կտրամադրի նյութական աջակցություն օգտագործվող  
նյութերի տեսքով /վատմաններ, թելեր և այլն/, ինչպես նաև պայմանավորվածություն

է ձեռք բերվել Իջևանի քաղաքապետարանի հետ Իջևանի քաղաքային պատկերասրահում մշտական ցուցահանդեսներ կազմակերպելու համար:

Նշվեց, որ դրական տեղաշարժ չկա բնական գիտությունների ֆակուլտետում, նվազել են ուսանողների թվաքանակը և գերազանցությամբ ավարտող շրջանավարտների թիվը:

Գոհացուցիչ արդյունքներ են գրանցվել «Սերվիս» մասնագիտությամբ, մինչ դեռ անալիքներ կան «Տնտեսագիտության տեսություն» մասնագիտությամբ, որտեղ պրակտիկ գիտելիքների յուրացման հարցում կան խնդիրներ, դրանք կարգավորելու համար անհրաժեշտ է առավել ուշադրություն դարձնել գործնական և սեմինար աշխատանքների, ինչպես նաև պրակտիկաների առավել արդյունավետ կազմակերպելու վրա :

Անհամեմատ բարձր արդյունքներ են գրանցվել «Մանկավարժություն և հոգեբանություն» մասնագիտությամբ առակա և հեռակա ուսուցման շրջանավարտների մոտ:

Գոհացուցիչ արդյունքներ են գրանցվել «Հայոց լեզու և գրականություն», «Ֆրանսերեն լեզու», մասնագիտություններով:

Ստորև բերված է 2013-2014թթ շրջանավարտների թիվը ըստ մասնագիտությունների:

/աղուսյակ/

**ԱՐՏԱՀԱՅՏՎԵՑԻՆ.**

Բնական գիտությունների ֆակուլտետի դեկան Ա. Յուցուլյանը, Տնտեսագիտության ֆակուլտետի դեկան Ն. Խուդավերդյանը, Կիրառական արվեստի ֆակուլտետի դեկան Ա. Այվազյանը, հումանիտար գիտությունների ֆակուլտետի դեկան Վ. Ալեքսանյան: Ելույթ ունեցողները ներկայացրեցին հարցի վերաբերյալ իրենց հուզող հարցերը և առաջարկները:

ԵՊՀ պրոռեկտոր Ա. Գրիգորյանը, որը գոհ մնալով ներկայացված արդյունքից, շեշտեց որ արտաքին դրական կարծիք ապահովվել է նաև ճիշտ տարվող մենեջմենտը: Անդրադառնալով կիրառական արվեստի ֆակուլտետում արձանագրված առաջընթացին նա շեշտեց, որ կարելի է անդրադառնալ այդ ֆակուլտետում մագիստրատուրան բացելու խնդրին: Ա. Գրիգորյանը փաստեց, որ այլալեզու գրականությունից ուսանողները քիչ են օգտվում նաև ԵՊՀ-ում, և, որ այդ

խնդիրը լուծելու համար նախատեսվում է, որ գոնե մեկ առարկա դասավանդվի օտար լեզվով:

### *ՈՐՈՇԵՑԻՆ.*

1. Ընդունել ի գիտություն:

*ՀՄԵՑԻՆ.* - «ԵՊՀ ԻՄ-ի 2014-15 ուստարվա մասնագիտությունների ցանկի քննարկում» հարցի կապակցությամբ տնօրեն Ս. Ա. Առաքելյանի զեկուցումը: Նա ընդհանուր ներկայացրեց ԿԳՆ-ի կողմից ներկայացված մասնագիտությունների նոր ցանկը, որտեղ չկան մեր որոշ մասնագիտություններ, կարճ և բովանդակալից ներկայացրեց խնդրի էությունը և առաջարկեց պատկան ստորաբաժանումներին այդ ուղղությամբ մշակել արդյունավետ ռազմավարություն, որը կբխի նաև մեր արտաքին շահակիցների շահերից:

### *ԱՐՏԱՀԱՅՏՎԵՑԻՆ.*

Ա. Գրիգորյանը նշեց, որ բուհերի դիմորդների թիվը նվազում է, մրցակցությունը բարդանում է, այդ իսկ պատճառով պետք է հստակեցնել այդ ուղղությամբ ռազմավարությունը, պետք է ուշադրություն դարձնել հեռակա ուսուցման որակի վրա, քանի որ հեռակա ուսուցման դիմորդների քանակը աճում է համեմատած առկա ուսուցման դիմորդների հետ: Նա առաջարկեց առաջիկա գիտխորհրդի նիստի օրակարգում ընդգրկել հեռակա ուսուցման որակի հետ կապված հարց: Նա նաև շեշտեց, որ ԵՊՀ -ի՝ արտասահմանյան բուհերի հետ ուսանողների փոխանակման համագործակցության շրջանակներում կարող են իրենց մասնակցությունն ունենալ նաև ԵՊՀ ԻՄ-ի լավագույն ուսանողները:

### *ՈՐՈՇԵՑԻՆ.*

2. Ընդունել ի գիտություն և սեպտեմբերյան գիտխորհրդի օրակարգում ընդգրկել հարց՝ կապված հեռակա ուսուցման որակի հետ:

*ՀՄԵՑԻՆ.* - «Կառուցվածքային փոփոխություններ ԵՊՀ ԻՄ-ի կազմում» հարցի կապակցությամբ Ս. Ա. Առաքելյանի զեկուցումը: Նա, մանրակրկիտ և հիմնավորված

կերպով վերլուծելով ԵՊՀ ԻՄ-ի ռազմավարության արդյունավետ իրականացման համար անհրաժեշտ գործողությունների պլանը, առաջարկեց կատարել հետևյալ կառուցվածքային փոփոխությունները.

Լուծարել Ընդհանուր ֆիզիկայի, Անտառագիտության, Բարձրագույն մաթեմատիկայի և ինֆորմատիկայի ամբիոնները, ձևավորել Ծրագրավորման և ինֆորմացիոն տեխնոլոգիաների և Ընդհանուր մաթեմատիկայի և բնագիտության ամբիոններ, Գծանկարի և գունանկարի ամբիոնը վերանվանել Գծանկարի, գունանկարի և քանդակի ամբիոն, Դեկորատիվ կիրառական արվեստի ամբիոնը վերանվանել Դեկորատիվ կիրառական արվեստի և դիզայնի ամբիոն, Պատմության և քաղաքագիտության ամբիոնը վերանվանել Հայոց պատմության և հասարակագիտության ամբիոն: Բնական գիտությունների ֆակուլտետի դեկանի պարտականություններից ազատել Ա. Ցուցույանին, Կիրառական արվեստի ֆակուլտետի դեկանի պարտականություններից ազատել Կ. Այվազյանին: Բնական գիտությունների ֆակուլտետի դեկանի ժամանակավոր պաշտոնակատար նշանակել Մ. Զաքարյանին: Կիրառական արվեստի ֆակուլտետի ժամանակավոր պաշտոնակատար նշանակել Ա. Մարգարյանին: Ընդհանուր մաթեմատիկայի և բնագիտության ամբիոնի ժամանակավոր պաշտոնակատար նշանակել Ա. Ցուցույանին: Վարչատնտեսական վարչության պետ նշանակել Կ. Այվազյանին:

#### ***ԱՐՏԱՀԱՅՏՎԵՑԻՆ.***

ՄԿՈԱ բաժնի վարիչ Ա. Մարգարյանը, իրավախորհրդատու Ա. Հովհաննիսյանը և ուրիշներ: Ելույթ ունեցողները դրական արտահայտվեցին ներկայացվող փոփոխությունների կապակցությամբ և առաջարկեցին առանց փոփոխությունների հաստատել:

#### ***ՈՐՈՇԵՑԻՆ.***

1. Լուծարել Բարձրագույն մաթեմատիկայի և ինֆորմատիկայի ամբիոնը:

#### ***ՈՐՈՇԵՑԻՆ.***

2. Լուծարել Ընդհանուր ֆիզիկայի ամբիոնը:

*ՈՐՈՇԵՑԻՆ.*

3. Լուծարել Անտառագիտության ամբիոնը:

*ՈՐՈՇԵՑԻՆ.*

4. Ձևավորել Ծրագրավորման ի ինֆորմացիոն տեխնոլոգիաների ամբիոն:

*ՈՐՈՇԵՑԻՆ.*

5. Ձևավորել Ընդհանուր մաթեմատիկայի և բնագիտության ամբիոն:

*ՈՐՈՇԵՑԻՆ.*

6. Գծանկարի և գունանկարի ամբիոնը վերանվանել Գծանկարի, գունանկարի և քանդակի ամբիոն:

*ՈՐՈՇԵՑԻՆ.*

7. Դեկորատիվ կիրառական արվեստի ամբիոնը վերանվանել Դեկորատիվ կիրառական արվեստի և դիզայնի ամբիոն:

*ՈՐՈՇԵՑԻՆ.*

8. Պատմության և քաղաքագիտության ամբիոնը վերանվանել Հայոց պատմության և հասարակագիտության ամբիոն:

*ՈՐՈՇԵՑԻՆ.*

9. Բնական գիտությունների ֆակուլտետի դեկանի պարտականություններից ազատել Ա. Յուցուլյանին:

*ՈՐՈՇԵՑԻՆ.*

10. Կիրառական արվեստի ֆակուլտետի դեկանի պարտականություններից ազատել Կ. Այվազյանին:

*ՈՐՈՇԵՑԻՆ.*

11. Բնական գիտությունների ֆակուլտետի դեկանի ժամանակավոր պաշտոնակատար նշանակել Մ. Զաքարյանին:

*ՈՐՈՇԵՑԻՆ.*

12. Կիրառական արվեստի ֆակուլտետի ժամանակավոր պաշտոնակատար նշանակել Ա. Մարգարյանին:

*ՈՐՈՇԵՑԻՆ.*

13. Ընդհանուր մաթեմատիկայի և բնագիտության ամբիոնի ժամանակավոր պաշտոնակատար նշանակել Ա. Յուցուլյանին:

*ՈՐՈՇԵՑԻՆ.*

14. Վարչատնտեսական վարչության պետ նշանակել Կ. Այվազյանին:

*ԼՍԵՑԻՆ.* - « ԵՊՀ ԻՄ-ի զարգացման ռազմավարական ծրագրի կատարման ընթացքի մասին » հարցի կապակցությամբ Ա. Մարգարյանի զեկուցումը: Ա. Մարգարյանը բավական մանրամասն և բովանդակալից տեսանյութերի միջոցով ներկաներին

հաղորդեց կատարված հետազոտությունների արդյունքները: /ամբողջությամբ կցվում է հաղորդումը/:

*ԱՐՏԱՀԱՅՏՎԵՑԻՆ.* ԵՊՀ պրոռեկտոր Ա. Գրիգորյանը և ԵՊՀ ԻՄ-ի տնօրեն Ս. Առաքելյանը, նրանք գոհունակություն հայտնեցին կատարված աշխատանքից:

*ՈՐՈՇԵՑԻՆ.*

15. Ընդունել ի գիտություն:

*ՀՄԵՑԻՆ.* - «ԵՊՀ ԻՄ ստացած կրթությունից շրջանավարտների բավարարվածության վերաբերյալ 2014թ. հարցման արդյունքների մասին» հարցի կապակցությամբ Ս. Սարգսյանի զեկուցումը: Նա, նշելով, որ կատարված հարցումներին մասնակցել են շրջանավարտների 96 տոկոսը, մանրամասն տեսանյութերի միջոցով համեմատությունների մեջ ներկաներին հաղորդեց կատարված հետազոտությունների արդյունքները: /ամբողջությամբ կցվում է հաղորդումը/:

*ԱՐՏԱՀԱՅՏՎԵՑԻՆ.* ԵՊՀ ԻՄ-ի տնօրեն Ս.Ա. Առաքելյանը և ԵՊՀ պրոռեկտոր Ա. Գրիգորյանը: Ելույթ ունեցողները առաջարկեցին հարցումներ անել նաև ԵՊՀ -ում ուսումը շարունակող մեր ուսանողների շրջանում, առանձնացնել առկա և հեռակա ուսուցման հարցումները և վերլուծությունները, արդյունքներում առաջացած տվյալներից փորձել պարզել հարցման արդյունքում ստացված ճշգրիտ արդյունքները:

*ՈՐՈՇԵՑԻՆ.*

16. Ընդունել ի գիտություն:

*Ընթացիկ հարցեր.*



ՀՄԵՑԻՆ. – Հաղորդում ԵՊՀ ԻՄ-ի պֆեստրադասախոսական կազմի որակավորման բարձրացման կրթական ծրագրերի իրականացման արդյունքների մասին Ն. Ստեփանյանի հաղորդումը: /կցվում է ամբողջությամբ/


**ՈՐՈՇԵՑԻՆ.**


17. Ընդունել ի գիտություն:


ՀՄԵՑԻՆ. Գիտական խորհրդի կազմի փոփոխության մասին Մ. Աթոյանի հաղորդումը

**ՈՐՈՇԵՑԻՆ.**

18. Հաստատել փոփոխված կազմը/կցվում է/



ԵՊՀ ԻՄ-ի գիտական խորհրդի նախագահ  Ս. Ա. ԱՌԱՔԵԼՅԱՆ

Գիտական խորհրդի քարտուղար  Մ.Ս. ԱԹՈՅԱՆ

28.06.2014թ.